



REPUBLIKA E SHQIPËRISË
GJYKATA ADMINISTRATIVE E APELIT
KËSHILLI I GJYKATËS

Nr. 2926 Prot.

Tiranë, më 16.05.2024

V E N D I M

Nr. 27, datë 16.05.2024

PËR SKUALIFIKIMIN E KANDIDATIT DORIAN GOGO, NË PROCEDURËN E PRANIMIT NË SHËRBIMIN CIVIL GJYQËSOR, NË KATEGORINË EKZEKUTIVE, PËR POZICIONIN SPECIALIST BUXHETI

Në mbështetje të neneve 27, 28, 38 shkronja "b)", 54, 58 dhe 60 të Ligjit nr. 98, datë 06.10.2016 "*Për Organizimin e Pushtetit Gjyqësor në Republikën e Shqipërisë*", i ndryshuar, si edhe të nenit 23, 27, 30, 32 dhe 33 të Vendimit të Këshillit të Lartë Gjyqësor nr. 622, datë 10.12.2020 "*Për lëvizjen paralele, ngritjen në detyrë dhe pranimin në shërbimin civil gjyqësor*", Këshilli i Gjykatës,

KONSTATON

1. Në përfundim të procedurave të verifikimit paraprak, të realizuar përkatësisht nga Kancelari dhe të vlerësimit me shkrim, të kryer në datën 15.04.2022, nga Komisioni i Pranimit, sipas nenit 27 dhe 30 të Vendimit të Këshillit të Lartë Gjyqësor nr. 622, datë 10.12.2020 "*Për lëvizjen paralele, ngritjen në detyrë dhe pranimin në shërbimin civil gjyqësor*", në lidhje me procedurën e pranimit në shërbimin civil gjyqësor, në kategorinë ekzekutive për pozicionin *Specialist Buxheti*, Komisioni i Pranimit e ka vlerësuar kandidatin Dorian Gogo me 44.00 pikë, nga minimumi prej 42 pikë, duke e kualifikuar atë për fazën e intervistës së strukturuar me gojë përpara Këshillit të Gjykatës.

2. Në përfundim të afatit të ankimit lidhur me rezultatet e vlerësimit me shkrim nga Komisioni i Pranimit, në mbështetje të nenit 32, të Vendimit të Këshillit të Lartë Gjyqësor nr.622, datë 10.12.2020 "*Për lëvizjen paralele, ngritjen në detyrë dhe pranimin në shërbimin civil gjyqësor*", Këshilli i Gjykatës e ka ftuar kandidatin Dorian Gogo për intervistën e strukturuar me gojë, duke marrë parasysh edhe rregullat e pikëzimit të Ankesit 5 të Udhëzimit të Këshillit të Lartë Gjyqësor nr.85, datë 11.03.2021 "*Për procesin e plotësimit të vendeve të lira në shërbimin civil gjyqësor nëpërmjet procedurës së lëvizjes paralele, ngritjes në detyrë dhe pranimit nëpërmjet konkurrimit të hapur*".

3. Në vijim, bazuar në rregullat dhe orientimet e parashikuara nga Vendimi i Këshillit të Lartë Gjyqësor nr.622, datë 10.12.2020 dhe Udhëzimit të Këshillit të Lartë Gjyqësor nr.85, datë 11.03.2021, Këshilli i Gjykatës zhvilloi intervistën e strukturuar me gojë me kandidatin e kualifikuar për këtë fazë, z. Dorian Gogo,

4. Në përfundim të intervistës së strukturuar me gojë, bazuar në procedurat dhe kriteret e vlerësimit sipas dispozitave ligjore dhe nënligjore të sipërcituara, Këshilli i Gjykatës shqyrtoi dhe bisedoi vlerësimin e kandidatit Dorian Gogo bazuar në dokumentacionin e paraqitur, duke ardhur në përfundimet vlerësuese si më poshtë:

4.1 Për kriterin e arsimimit, vlerësimi i secilit anëtar të Këshillit është 3 (tre) pikë.

4.2 Për kriterin e përvojës në punë, vlerësimi i secilit anëtar të Këshillit është 5 (pesë) pikë.

4.3 Për kriterin e trajnimeve dhe kualifikimeve, vlerësimi i secilit anëtar të Këshillit është 3 (tre) pikë.

4.4 Nga mbledhja e vlerësimeve të anëtarëve të Këshillit të Gjykatës për kriteret sipas pikave 4.1, 4.2 dhe 4.3, kandidati Dorian Gogo u vlerësua në total me 33.00 (tridhjetë e tre) pikë.

4.5 Nga përpjestimi i vlerësimit total të anëtarëve të Këshillit prej 33 pikësh, me numrin e anëtarëve (3), vlerësimi i kandidatit Dorian Gogo është 11.00 (njëmbëdhjetë) pikë.

5. Këshilli i Gjykatës, pasi zhvilloi intervistën e strukturuar me gojë me kandidatin e kualifikuar për këtë fazë z. Dorian Gogo, ka arritur në përfundimet vlerësuese si më poshtë:

5.1 Për grup-pyetjet nr. 1 *(pyetje përgjigje mbi përvojat e mëparshme dhe ekzistuese profesionale, përvoja të lidhura me natyrën e pozicionit për të cilin kandidon apo përvoja të tjera, sfidat e veçanta profesionale dhe mënyrën e përballimit të tyre në përmbushjen e detyrës):*

5.1.1 Anëtari i parë (Ardian Dvorani) - 2 (dy) pikë;

5.1.2 Anëtare e dytë (Blerona Hasa) - 1 (një) pikë;

5.1.3 Anëtari i tretë (Leonard Strataj) - 2 (dy) pikë.

5.2 Për pyetjen nr. 2 *(pyetje përgjigje mbi motivimin për të kandiduar për pozicionin specialist buxheti në Gjykatën Administrative të Apelit):*

5.2.1 Anëtari i parë (Ardian Dvorani) – 2 (dy) pikë;

5.2.2 Anëtare e dytë (Blerona Hasa) - 2 (dy) pikë;

5.2.3 Anëtari i tretë (Leonard Strataj) - 1 (një) pikë.

5.3 Për pyetjen nr. 3 *(pyetje përgjigje mbi mendimin dhe qëndrimin e kandidatit për natyrën e detyrës në pozicionin specialist buxheti, mbi përmbushjen e kësaj detyre nga kandidati në raport me njohuritë dhe përvojën që pretendon se zotëron, si edhe mbi mënyrën e reagimit dhe përballimit të detyrës në situata specifike ngarkese pune apo të presionit):*

5.3.1 Anëtari i parë (Ardian Dvorani) - 2 (dy) pikë;

5.3.2 Anëtare e dytë (Blerona Hasa) - 1 (një) pikë;

5.3.3 Anëtari i tretë (Leonard Strataj) - 3 (tre) pikë.

5.4 Nga mbledhja e vlerësimeve të anëtarëve të Këshillit të Gjykatës për përgjigjet e dhëna gjatë intervistës së strukturuar me gojë, kandidati Dorian Gogo u vlerësua në total me 16 (gjashtëmbëdhjetë) pikë.

5.5 Nga përpjestimi i vlerësimit total të anëtarëve të Këshillit prej 16 pikësh, me numrin e anëtarëve (3), vlerësimi i kandidatit Dorian Gogo është 5.33 (pesë pikë tridhjetë e tre) pikë.

6. Në përfundim, nga mbledhja e pikëve të vlerësimit për secilin kriter, të treguar më sipër në pikat 4 dhe 5 të këtij vendimi, vlerësimi përfundimtar i kandidatit Dorian Gogo është 60.33 (gjashtëdhjetë pikë tridhjetë e tre) pikë.

7. Në kushtet kur kandidati Dorian Dogo është vlerësuar me rezultatin përfundimtar prej 60.33 pikësh, sipas nenit 54, të Ligjit nr. 98, datë 06.10.2016 *“Për Organizimin e Pushtetit Gjyqësor në Republikën e Shqipërisë”*, i ndryshuar, si edhe të nenit 32, pika 5, të Vendimit të Këshillit të Lartë Gjyqësor nr.622, datë 10.12.2020 *“Për lëvizjen paralele, ngritjen në detyrë dhe pranimin në shërbimin civil*

gjyqësor”, konsiderohet i skualifikuar nga procedura e pranimit në shërbimin civil gjyqësor, në kategorinë ekzekutive, për pozicionin Specialist Buxheti.


8. Për këto arsye, në mbështetje të nenit 54 të Ligjit nr. 98, datë 06.10.2016 “*Për Organizimin e Pushtetit Gjyqësor në Republikën e Shqipërisë*”, i ndryshuar, dhe të nenit 32, pika 5 të Vendimit të Këshillit të Lartë Gjyqësor nr.622, datë 10.12.2020 “*Për lëvizjen paralele, ngritjen në detyrë dhe pranimin në shërbimin civil gjyqësor*”, Këshilli i Gjykatës,

VENDOSI:

1. Skualifikimin e kandidatit Dorian Gogo nga procedura e pranimit në shërbimin civil gjyqësor, në kategorinë ekzekutive, për pozicionin Specialist Buxheti.
2. Ndaj këtij vendimi lejohet ankim në gjykatën kompetente.
3. Ky vendim i njoftohet kandidatit të skualifikuar.

KANCELARI

Leonard STRATAJ



ANËTARE

Blerona HASA



ZËVENDËSKRYETARI

Ardian DVORANI

